



KENYATAAN MEDIA JABATAN ALAM SEKITAR

JAS LAKSANAKAN 1,418 TINDAKAN PENGUATKUASAAN SEPANJANG TEMPOH JEREBU DALAM NEGARA

Indeks Pencemar Udara (IPU) yang direkodkan di laman sesawang Jabatan Alam Sekitar pada jam 3.00 petang hari ini menunjukkan enam (6) kawasan mencatatkan status kualiti udara pada tahap baik, dua puluh lima (25) kawasan mencatatkan status kualiti udara pada tahap sederhana, dan **tiga puluh tujuh (37) kawasan mencatatkan bacaan IPU pada tahap tidak sihat pada hari ini, iaitu:**

TIDAK SIHAT

- 1) Sungai Petani, KEDAH (IPU - 158)
- 2) Kulim Hi-Tech, KEDAH (IPU - 156)
- 3) Seberang Jaya, PULAU PINANG (IPU - 160)
- 4) Seberang Perai, PULAU PINANG (IPU - 159)
- 5) Minden, PULAU PINANG (IPU - 166)
- 6) Balik Pulau, PULAU PINANG (IPU - 165)
- 7) Taiping, PERAK (IPU - 158)
- 8) Tasek Ipoh, PERAK (IPU - 164)
- 9) Pegoh Ipoh, PERAK (IPU - 152)
- 10) Seri Manjung, PERAK (IPU - 166)
- 11) Tanjung Malim, PERAK (IPU - 161)
- 12) Batu Muda, W.P. KUALA LUMPUR (IPU - 170)
- 13) Cheras, W.P. KUALA LUMPUR (IPU - 175)
- 14) Putrajaya, W.P. PUTRAJAYA (IPU - 171)

- 15)Kuala Selangor, SELANGOR (IPU - 160)**
- 16)Petaling Jaya, SELANGOR (IPU - 164)**
- 17)Shah Alam, SELANGOR (IPU - 171)**
- 18)Klang, SELANGOR (IPU - 161)**
- 19)Banting, SELANGOR (IPU - 160)**
- 20)Nilai, NEGERI SEMBILAN (IPU - 172)**
- 21)Seremban, NEGERI SEMBILAN (IPU - 167)**
- 22)Port Dickson, NEGERI SEMBILAN (IPU - 152)**
- 23)Alor Gajah, MELAKA (IPU - 153)**
- 24)Bukit Rambai, MELAKA (IPU - 155)**
- 25)Bandaraya Melaka, MELAKA (IPU - 146)**
- 26)Kluang, JOHOR (IPU - 124)**
- 27)Temerloh, PAHANG (IPU - 156)**
- 28)Jerantut, PAHANG (IPU - 154)**
- 29)Indera Mahkota Kuantan, PAHANG (IPU - 152)**
- 30)Balok Baru Kuantan, PAHANG (IPU - 151)**
- 31)Kemaman, TERENGGANU (IPU - 149)**
- 32)Paka, TERENGGANU (IPU - 144)**
- 33)Kuala Terengganu, TERENGGANU (IPU - 161)**
- 34)Besut, TERENGGANU (IPU - 138)**
- 35)Tanah Merah, KELANTAN (IPU - 155)**
- 36)Tangkak, JOHOR (IPU - 150)**
- 37)Johan Setia, SELANGOR (IPU - 184)**

Berdasarkan rekod pemantauan JAS pada jam 3.00 petang, 16 September 2026, beberapa kawasan di Semenanjung Malaysia merekodkan bacaan pada tahap tidak sihat.

Keadaan ini berlaku dalam persekitaran cuaca kering yang berterusan di sebahagian Rantau Selatan ASEAN. Berdasarkan laporan ASEAN Specialised Meteorological Centre (ASMC) pada 15 September 2026, sebanyak 240 titik panas dikesan di Kalimantan, 355 di Sumatera dan 1 titik panas dikesan di Malaysia, iaitu 1 di Sabah. ASMC turut melaporkan jerebu rentas sempadan sederhana hingga tebal diperhatikan di Kalimantan, Sumatera, Semenanjung Malaysia, Singapura serta bahagian selatan

Viet Nam dan Kemboja. Kepulan asap sederhana turut diperhatikan di Sulawesi Tengah dan Sulawesi Utara.

TINDAKAN JAS

Jabatan Alam Sekitar (JAS) memberi perhatian khusus terhadap kejadian kebakaran di Sarawak, khususnya yang melibatkan kawasan tanah gambut dan tapak pelupusan sampah, berikutan risiko kebakaran yang lebih tinggi dalam keadaan cuaca panas dan kering. Kebakaran di kawasan berkenaan berpotensi menghasilkan asap dan pelepasan bahan pencemar yang boleh menjejaskan kualiti udara setempat sekiranya tidak dikawal.

Di Sarawak, kebakaran di Tapak Pelupusan Sampah Selalang, Sarikei melibatkan kawasan seluas 1.5 hektar. Setakat hari ini, kira-kira 1.3 hektar (87%) telah berjaya dipadamkan, manakala baki 0.2 hektar masih dalam tindakan pemadaman.

JAS Sarawak akan terus melaksanakan pemantauan di lokasi kebakaran, termasuk menggunakan dron bagi mendapatkan gambaran terkini mengenai status kebakaran dan keluasan kawasan yang terjejas. Pemantauan kualiti udara turut dilaksanakan bagi menilai potensi kesan kebakaran terhadap kualiti udara setempat, manakala tindakan susulan akan diambil berdasarkan keadaan di lapangan dan hasil penilaian bersama agensi berkaitan.

Dalam konteks kawalan pencemaran udara, JAS akan terus memberi perhatian terhadap sebarang aktiviti pembakaran terbuka dan kejadian kebakaran yang berpotensi menyumbang kepada kemerosotan kualiti udara. Pemantauan akan dipertingkatkan sekiranya berlaku peningkatan pencemaran udara, manakala tindakan sewajarnya akan diambil mengikut bidang kuasa dan peruntukan undang-undang yang berkuat kuasa bagi meminimumkan kesan terhadap alam sekitar dan kesihatan awam.

Sepanjang tempoh episod jerebu semasa, bermula **3 Ogos hingga 13 September 2026**, JAS telah melaksanakan sebanyak **1,418** tindakan penguatkuasaan dan pemantauan di seluruh negara. Tindakan tersebut merangkumi **978** aktiviti

pemantauan, **83** arahan di lapangan dan **31** Notis Arahan dikeluarkan, **305** kes dirujuk kepada agensi lain bagi tindakan lanjut, **11** tindakan kompaun telah ditawarkan serta **10** tindakan carian hak milik tanah bagi membantu proses siasatan dan tindakan mahkamah. Langkah ini menunjukkan komitmen berterusan JAS dalam mengesan, mencegah dan mengambil tindakan terhadap aktiviti pembakaran terbuka serta punca-punca pencemaran yang berpotensi menyumbang kepada kemerosotan kualiti udara sepanjang episod jerebu.

Tindakan penguatkuasaan turut diperkukuhkan melalui pemeriksaan dan rondaan di kawasan-kawasan yang dikenal pasti berisiko termasuk kawasan pertanian, tanah gambut, kawasan ladang, tapak pelupusan sampah serta lokasi yang mempunyai potensi berlaku pembakaran terbuka. Sekiranya terdapat kesalahan yang dikenal pasti, tindakan susulan akan diambil berdasarkan hasil pemeriksaan, siasatan dan bukti yang diperoleh di lapangan. Pada masa yang sama, JAS akan terus memantau bacaan IPU, titik panas dan perkembangan jerebu rentas sempadan, dengan mengambil kira maklumat meteorologi sebagai input dalam penilaian situasi serta penyelarasan tindakan pengurusan jerebu di peringkat daerah, negeri dan kebangsaan.

JAS turut menekankan kerjasama pihak industri dalam memastikan pelepasan udara daripada punca utama dikurangkan, khususnya di kawasan yang mencatatkan bacaan IPU melebihi 300, selaras dengan keperluan kawalan pencemaran dan tanggungjawab pihak industri dalam membantu mengurangkan tekanan terhadap kualiti udara.

TINDAKAN SELARAS PTJK

Tindakan JAS dilaksanakan secara bersepadu selaras dengan PTJK yang menetapkan peranan pelbagai agensi berdasarkan tahap dan perkembangan situasi jerebu. Antara mekanisme yang digariskan ialah pengaktifan Jawatankuasa Pengurusan Bencana oleh NADMA apabila:

- bacaan IPU melebihi 150 selama lebih 24 jam;
- penghentian aktiviti luar bilik darjah apabila IPU melebihi 100;

- penutupan sekolah, tadika dan taska apabila IPU melebihi 200; dan
- pelaksanaan Operasi Pembenihan Awan tertakluk kepada kehadiran awan dan keadaan cuaca yang sesuai apabila bacaan IPU melebihi 150 selama lebih 24 jam.

JAS akan terus mengemukakan maklumat berkaitan perkembangan situasi, hasil pemantauan, rondaan, OMPT dan tindakan penguatkuasaan secara berkala mengikut mekanisme pelaporan yang ditetapkan. Ini bagi memastikan perkembangan situasi dapat dinilai secara berterusan dan tindakan sewajarnya dapat diselaraskan di semua peringkat.

Dalam keadaan semasa, JAS tidak akan berkompromi terhadap sebarang pembakaran terbuka yang dikenal pasti berpunca daripada aktiviti manusia, khususnya sekiranya aktiviti tersebut menyumbang kepada kemerosotan kualiti udara. Tindakan pencegahan, pemeriksaan, siasatan dan penguatkuasaan akan diteruskan berdasarkan bukti serta bidang kuasa yang diperuntukkan kepada JAS.

ORANG RAMAI DIMINTA BEKERJASAMA

JAS menyeru orang ramai supaya tidak melakukan pembakaran terbuka, khususnya ketika keadaan cuaca panas dan kering serta kualiti udara berada pada tahap yang tidak sihat hingga berbahaya.

Orang ramai juga diminta supaya tidak membenarkan tanah atau premis milik mereka dimasuki atau dicerobohi oleh pihak yang tidak bertanggungjawab sehingga menyebabkan berlakunya pembakaran terbuka. Selaras dengan Akta Kualiti Alam Sekeliling (Pindaan) 2024, kesalahan pembakaran terbuka boleh dikenakan denda minimum RM25,000 hingga RM1,000,000, atau penjara sehingga lima tahun, atau kedua-duanya. Kompaun sehingga 50 peratus daripada denda maksimum juga boleh dikenakan bagi setiap kesalahan.

Orang ramai diminta segera melaporkan sebarang kejadian kebakaran atau pembakaran terbuka kepada Jabatan Bomba dan Penyelamat Malaysia melalui talian 999 atau JAS melalui talian bebas tol 1-800-88-2727 bagi membolehkan tindakan segera diambil.

Bacaan IPU terkini setiap jam boleh dirujuk melalui Sistem Pengurusan Indeks Pencemar Udara (APIMS) JAS atau aplikasi rasmi MyJAS EQMS. Orang ramai juga dinasihatkan supaya mengikuti arahan dan nasihat kesihatan yang dikeluarkan oleh Kementerian Kesihatan Malaysia.

HAJAH AZURI AZIZAH BINTI HAJI SAEDON
TIMBALAN KETUA PENGARAH (PEMBANGUNAN)
16 SEPTEMBER 2026



Unit Komunikasi Korporat | Jabatan Alam Sekitar (JAS)
Tel. : 03-8000 8000 | Faks : 03-8889 47

Peta Jerebu Serantau Yang Dikeluarkan Oleh ASMC Pada 15 September 2026

